

La ARLeF a vicino/lontano cul spetacul "Ombris tal Infinît"

La produzion dal Teatro della Sete e larà in sene
il prin di Lui, aes 21.30, sul palc dal Oratori dal Crist

E torne la presince de ARLeF a vicino/lontano. La Agenzie Regionâl pe Lenghe Furlane, inte suaze de XVII edizion dal festival, e presenterà al public **"Ombris dal Infinît, leture seniche cun musiche e imagjins su la poetiche di Carlo Sgorlon"**, une produzion dal Teatro della Sete. **Il spetacul multimediâl – che al larà in sene il prin di Lui, aes 21.30, sul palc dal Oratori dal Crist** – al incrosarà lis peraulis scritis di Sgorlon su la sô vite e su altris temis che lui i tignive cetant, a tocs gjavâts fûr dal tierç romanç in lenghe furlane dal autôr, publicât postum intal 2010 de Societât Filologjiche Furlane. Adun cu la leture, a saran la musiche dal vîf e i dissens originâi di Serena Giacchetta, che a vignaran proietâts cun chê di fâ vivi lis atmosferis, i personaçs e la storie dal romanç, ma al sarà ancje alc de poetiche dal autôr, in graciis dai contribûts di Franco Fabbro e Marco D'Agostini, che a àn curât il libri "Carlo Sgorlon. Scrittore e intellettuale friulano", editât di Mimesis intal 2020.

"La presince de ARLeF a vicino/lontano e je aromai fuarte – al à ricuardât il president de Agenzie, Eros Cisilino -. Chest an o puartin al public dal festival il teme dal plurilinguism, che nô o vin une vore a cjâr, cuntun omaç a un autôr ricognossût tra lis vôs narativis plui impuartantis tal panorame de leterature furlane e taliane dal tart Nûfcent. Il spetacul finanziât de ARLeF al puarte in sene, midiant de coralitât des formis artistichis, un romanç di grande intensitât di Carlo Sgorlon. In graciis des vôs che a recitin di Caterina Di Fant, Michele Polo e Valentina Rivelli, o preseat, cu la fuarte espressive de sô marilenghe, la sensibilitât linguistiche e il valôr naratîf di un grant autôr che al à scrit trê romançs par furlan e che al à amât une vore la sô tiere, crosere di lenghis e di culturis. Se il teme sienzûl par cheste edizion dal festival a son lis "distançis", cun cheste leture seniche i ten a marcâ che la Agenzie e darà il so contribût par cancelâ la distance che par masse timp, magari cussì no, e à tignûts lontans i artiscj dal mont dal spetacul e il public".

Udin, ai 28 di Jugn dal 2021

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<